

**TULAFONO TAU FAAOFI O TEUTEUGA
O LE TULAFONO O LE FETUFAAIGA
O FAAMATALAGA TAU LAFOGA 2015**

SAMOA

Faamatalaga e Faamalamalama ai


Faatomuaga

Ua taumafai le Tulafono Tau Faaofi e teuteu le Tulafono o le Fetufaaiga o Faamatalaga Tau Lafoga 2012 (“Tulafono”) e faailoa ai tulaga lē atoatoa na maitauina a o faagasolo le Iloiloga Faapitoa o le Laasaga 2 a Samoa i lalo o le Fonotaga a Malo o le Lalolagi e uiga i Faiga ma Pulega Manino ma le Fetufaaiga o Faamatalaga mo Faamoemoega Tau Lafoga lea sa faafoeina i le tausaga ua mavae atu ia Tesema, ma mataupu ia sa maitauina e le Vaega Tau Iloiloga a Samoa i se fonotaga ma le Vaega o Iloiloga Faapitoa lea sa faia i Pale ia Fepuari i le tausaga nei. O le a faamautinoa ai i le Tulafono Tau Faaofi e faapea o le aia tatau e tausia ai pepa aloaia i tulaga agatapuia po o le aia tatau i tulaga faalilolilo ma tulaga aloaia faaletulafono, ua faalēaogāina nei ina ia avanoa ai mo tulaga manino tau le fetufaaiga o faamatalaga mo faamoemoega e fesootai i lafoga; o lenei tulaga ua faia ina ia foia ai le faafitauli o le alofia o lafoga.

Fuaiupu:

- Fuaiupu 1:** - ua taua ai e faapea, afai e pasia, o le a taua loa le Tulafono Tau Faaofi, o le Tulafono o Teuteuga o le Tulafono o le Fetufaaiga o Faamatalaga Tau Lafoga 2015, ma o le a amata faamamaluina i le aso e tuuina i ai le maliega a Le Ao o le Malo.
- Fuaiupu 2:** - ua teuteu ai le fuaiupu 10 o le Tulafono.
- Fuaiupu 3:** - ua teuteu ai le faamatalaga 1 o le Tulafono.
- Fuaiupu 4:** - ua faia ai teuteuga faatupulaia i le fuaiupu 80(1) o le Tulafono o Mavaega Tausi 2014.

Fuaiupu 5: - ua faia ai teuteuga faatupulaia i le fuaiupu 147(7) o le Tulafono o Kamupani Faava o Malo mo se Faamoemoega Faapitoa 2012.


.....
(Hon TUILOMA Lameko)
MINISITA MO TUPE MAUA

**TULAFONO TAU FAAOFI O TEUTEUGA
O LE TULAFONO O LE FETUFAAIGA
O FAAMATALAGA TAU LAFOGA 2015**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le fuaiupu 10
3. Ua teuteuina le faamatalaga 1
4. Ua teuteuina le Tulafono o Mavaega Tausi 2014
5. Ua teuteuina le Tulafono o Kamupani Faava o Malo mo se Faamoemoega Faapitoa 2012

2015, Nu.

O SE TULAFONO TAU FAAOFI UA TAU

O SE TULAFONO e teuteu ai le Tulafono o le Fetufaaiga o Faamatalaga Tau Lafoga 2012 (Tulafono autu) ma isi faamoemoega e fesootai i ai.

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Tulafono o le Fetufaaiga o Faamatalaga Tau Lafoga 2015.

(2) E amata faamamaluina leni Tulafono i le aso e tuuina i ai le maliega a Le Ao o le Malo.

2. Ua teuteuina le fuaiupu 10 - I le fuaiupu 10 o le Tulafono autu:

(a) i totonu o le faafuaiupu (1), ia aveese upu “I le noatia ma le fai fuafua i le faafuaiupu (2),”; ma

(b) mo le faafuaiupu (2) ia suia e faapea:

“(2) O se aiaiga i totonu o se isi Tulafono ua aiaia ai se noataga o le ituaiga o faasinomia i totonu o le faafuaiupu (1), e aofia ai se aiaiga ua faamamaluina i le tuanai ai o le aso e amata faamamaluina ai o lenei Tulafono, o le a tatau ona noatia ma fai fuafua i lenei fuaiupu.”.

3. Ua teuteuina le faamatalaga 1 - Mo le faamatalaga 1 o le Tulafono autu i le tuanai ai o le faanumeraina o meataitasi 13, ia faaofi e faapea:

14. Mexico	30 Novema 2011
15. Japan	4 Iuni 2013
16. South Africa	26 Iulai 2013”.

4. Ua teuteuina le Tulafono o Mavaega Tausi 2014 - I le fuaiupu 80(1) o le Tulafono o Mavaega Tausi 2014, i le tuanai ai o le upu “fuaiupu” ia faaofi upu “ma le fuaiupu 10 o le Tulafono o le Fetufaaiga o Faamatalaga Tau Lafoga 2012”.

5. Ua teuteuina le Tulafono o Kamupani Faava o Malo mo se Faamoemoega Faapitoa 2012 - I le tuanai ai o le fuaiupu 147(7) o le Tulafono o Kamupani Faava o Malo mo se Faamoemoega Faapitoa 2012, ia faaofi e faapea:

“(8) O lenei fuaiupu e noatia ma fai fuafua i le fuaiupu 10 o le Tulafono o le Fetufaaiga o Faamatalaga Tau Lafoga 2012.”.
